

Cungj Dwg Ngaenzgyaj Nyex Hux

都是假币惹的祸



Ngoenz he, gou caeuq daxmeh bae bouqgaimak cawx mak, yawjraen lauxbanj cingq caeuq daxheiz gaimak doxceng.

Lauxbanj naeuz: "Mwngz sou 50 maenz ngoenz-gyaj, beg soengq vunz sieng mak gyaqcienz 35 maenz he, lij bouj 15 maenz ngaenz hawj vunz, gungh sied bae 100 maenz. 100 maenz neix ndaej daj ndaw cienzong mwngz gaeuqok."

Daxheiz gaimak naeuz: "Mbouj deng bw! Gou sou mbaw ngaenzgyaj 50 maenz, bouj hawj de 15 maenz, wnggai sied 65 maenz cij deng bw!"

Gou rox gij yienzaen doxceng gyoengqde le, gou riu dwk doiq gyoengqde naeuz: "Sou cungj loek lo."

"Lwngyez gaej guenj saeh vunzhung!" Lauxbanj itmienh hat gou, itmienh caeuq daxheiz gaimak ceng.

"Boh' au daxheiz, gou mbouj dwg guenj gij saeh sou, cijdwg siengj gangj cingcuj aen vwndiz suyoj ndeu. Gou suenq mbat he lo, gizsaed sou mbouj dwg sied 100 maenz, hix mbouj dwg sied 65 maenz, cij dwg sied 50 maenz."

"Baenzlawz dwg 50 maenz ne?" Song baux cungj ngeizvaeg yawj gou.

Gou dingz yaep he le, naeuz: "Sieng mak ndeu 35 maenz, gyahwnj bouj okbae 15 maenz, itgungh dwg 50 maenz."

"Yienghneix 50 maenz ngaenzgyaj ne?" Lauxbanj gip dwk cam.

"50 maenz ngaenzgyaj haenx bonjlaiz couh mbouj dwg gij sou ha."

"Dwg bw, caen dwg bw." Song baux de cij fwt singj gvaqdaej. Daxheiz gaimak daegbied docih gou, haenh gou coengmingz.

(seiq nienzgaep Liuz Minj)

Roegga Hwnjdangq Gvaqlaeng

乌鸦上当之后

Roegga daj baez deng nyaenma yaeuh aeu gaiqnoh ndaw bak bae le, itcig gig ienqhoij. De gingciengz gangj gienh saeh de hwnjdangq haenx hawj vunz ndaw ranz caeuq baengzyoux dingq, daengq daihgya gaej saenq vah' unq vahvan nyaenma, maqmuengh daihgya geiq ndaej aen hit neix. Gyoengq roegga lwg cungj naeuz, baezlaeng caiq hix mbouj dingq vahgyaj vahvad gyaenma lo.

Ngoenz haenx, duz roegga iq he ndaw bak gamz gaiq noh he, cingq youq gwnz go faex hung yietbaeg. Dinglingz, duz nyaenma he okdaej ra gwn, yawjraen gaiqnoh ndaw bak roegga iq lo, couh hainduj gangj vah' unq vavan. Roegga iq siengj daengz gij hit roegga dangnienz haenx, baenzlawz cungj mbouj haengj hai bak gangj vah.

Nyaenma ganvad haenx raen roegga iq mbouj haengj hai bak, cehda baenq mbak he, youh naemj ok aen geiq he daej. De sawqmwh ndaq roegga iq: "Duzroegga dwgcaengz, gij sing sou baenzhaenx yaek dingq, youh maj ndaej lumj danqfeiz nei ndaemndat, nanzgvaig gyoengqvunz cungj naeuz sou dwg duz mbouj gitleih, bungz daengz sou couh boihseiz..."

Dingq nyaenma gangj gij vah heifouh gyoengqde haenx, roegga iq huj dwk caiq hix nyaenx mbouj youq lo, couh yaek boiz ndaq gyaenma. Hoeng de ngamq hai bak, gaiqnoh couh doek roengzdaej lo. Nyaenma vaiqvut gamz hwnj gaiqnoh, yaepyet deuz bae ngaenz cungj mbouj raen lo.

(sam nienzgaep Lij Lili)



Ranz gou ciengx miz duz meuzraiz ndeu, duz meuzraiz neix vuedbued dwggyaez, gou ceiq maj caeuq de guhcaemz lo.

Gou baez ma daengz ranz, duz meuzraiz neix couh buet gvaqdaej biujyienj gij heiq caixhangz de— yaep he youq henz din gou ringx bae ringx dauq, yaep he dakmai seiq din daengj hwnj cang dai, yaep he mbouj dingz baenqgien. Gizsaed gou rox, de couhdwg siengj heuh gou bang de gaeu ndang. Gou daegdaengq mbouj swt de, de couh cien fueng bak geiq daej gwedgalauz gou, gij yienghceij haenx dwggyaez raixcaix.

Gou raen duz meuzraiz neix ceiq maj gij doxgaiq "doengh", couh ra

gaiq faex cik lai raez he daej, youq baihgwnz cug gaiqbaengz, guh baenz diuzbien he. Cijaeu gou vad diuzbien, duzmeuz couh cingsaenz gvaekgvaek lo, aenda daengx dwk luenzlili, cim dwk gaiqbaengz, ngaem aenndang roengzdaej, cunjbei bae gung aeu gaiqbaengz. Caj ra daengz seizgei le, duzmeuz couh sikhaek lumj fagnaq bongh okbae nei coemj coh gaiq-

baengz. De baez coemj aeu gaiqbaengz, gou couh sikhaek riu gaiqbaengz hwnj sang, bik dwk de ndwn soh aenndang. Doeklaeng gou yied riu yied sang, duzmeuz cij ndaej diuq hwnjdaej va aeu gaiqbaengz, va mbouj daengz, de couh gip dwk mbouj dingz heuh myaumyau. Gou yawj duzmeuz yaek hozndat lo, couh hawj de va dawz baez ndeu. Miz seiz de

Daeuq Duzmeuz

逗猫



sawq geij baez le cungj va mbouj daengz, couh hixnaengz mbouj va lo, gaj gyaep diuzriengz swheij baenq-lulu.

Haha, daeuq duzmeuz mizyinx lai lo!

(seiq nienzgaep Lij Swnh)



Raemxrij Vaiqvued

快活的小溪流

Raemxrij miz souj go he, ciengxlwenx cungj ciengq mbouj sat.

Diuz rij vaivued he ciengq go dwk, mbouj baen hwnzgoenz lae baenaj, ndaw luegbya cungj mbouj dingz hap gij sing go de. Daengngoenz okdaej lo, naj riunyumj riu coh de. Youq aenda sawrongh de, gwnzbiengz sojmiz doxgaiq cungj lumj de ityiengh singjsien, vaiqvued. De mbouj dingz caeuq gij doxgaiq de nyangz daengz haenx dongx naeuz: "Mwngz ndei! Mwngz ndei!"

Raemxrij itmienh lae, itmienh guhcaemz. De yaep he bek gij rin gak saek gak yiengh henz hamq, yaep he lumh aen'gyaeu go' nywj ngamq daj ndaw namhsa loh okdaej haenx. De yaep he sawj gij mbawfaex biufouz youq naj raemx haenx baenq bae baenq dauq, yaep he gaeugaeu aenndang duzrug gyaep de haenx. Mbawfaex mbouj lau saekdi, menhmenh baenq song gien le, youh biu coh baihnaj. Duzrug cix miz di lau gaeu, ganjvaiq youz coh henz hamq. Duzrug maj ok ga haenx lij hag duzgoep daxmeh vuengmuengz daeb gaiqga de.

Raemxrij riu dwk buet coh baihnaj. Miz ndaek rin hungz he lanz loh de, de couh yaengyaeng yat song mbat, yunghrengz baez bongh couh bongh gvaqbae lo. Gijmaz hix lanz mbouj youq de lae baenaj. De yungh aensing ndei dingq ciengq go dwk, ndaw luegbya gij sing mbouj dingz hap haenx hix gig ndei dingq, hawj vunz dingq le couh lumz naetnaiq caeuq nyapnyuk.

(Yenz Vwnzcingj)